

Է. Վ. Խանգաղյան

ԼՃԱՇԵՆԻ № 6 ԿՈՒՐԳԱՆԸ

Սևանի ավազանը մեծ հետաքրքրություն է ներկայացնում իր բազմապիսի և բազմաթիվ պատմական հուշարձաններով:

Երկար տարիներ է, որ մեր գիտնականներն զբաղվում են այդ հուշարձանների ուսումնասիրությամբ, սակայն չրի տակ եղած հնագիտական հուշարձանների ուսումնասիրությունը սկսվել է վերջին տարիներս՝ լճի իջեցման կապակցությամբ, որի հետևանքով շորացած տարածության վրա բացվել են հնագույն շրջանին պատկանող բազմաթիվ հուշարձաններ՝ բնակատեղիների ավերակներ և դամբարաններ:

Շուրջ երկու տարի է (1956—1957), ինչ Հայկական ՍՍՌ ԳԱ Պատմական թանգարանի հնագիտական արշավախումբը Շ. Շ. Մնացականյանի ղեկավարությամբ պեղումներ է կատարում լճաշեն գյուղում (նախկին Օրդակլու), Սևանա լճի հյուսիս-արևմտյան կողմում՝ ցամաքած տարածության վրա բացված տարրեր ժամանակաշրջանի պատկանող կրամիտներով և կուրգաններով հարուստ ընդարձակ դամբարանադաշտում:

Մինչ այժմ պեղված ինը կուրգանների մեջ, ինչպես իր կառուցման ձևով, այնպես էլ ինքնատարով, ուրույն տեղ է զբաղում 1957 թ. պեղված № 6 կուրգանը, որի ուսումնասիրության է նվիրված այս հոդվածը: Այն, ինչպես իր պրաված դիրքով, այնպես էլ իր արտաքին տեսքով ոչնչով չէր տարրերվում դամբարանադաշտում գտնվող մյուս կուրգաններից: Ծածկված էր 0, 60—0,80 մ բարձրություն և 4—5,5 մ տրամագիծ ունեցող միջակ մեծության քարերի կույտով և ուներ էլիպսի ձև:

Քարերը և փափուկ հողը հեռացնելուց հետո պաշգվեց, որ թաղումը կատարված է 2,7 մ խորության վրա, ուղղակի հողի կտրվածքի մեջ, ղեղնագույն կավային շերտում (հակառակ լճաշենի մյուս կուրգանների, որտեղ դամբարանը կառուցված էր հսկա ժայռաբեկորներով և վերևից էլ ծածկված նույնատիպ քարերով):

Կուրգանում ծածկի գերանների կամ ծածկը պահող սյուների հետքեր չգտնվեցին (սակայն նույն էպիտաֆի մի շարք կուրգաններում պահպանվել են փայտի մնացորդները, ծածկը պահող սյուները՝ Կիրովականում¹, նաև ծածկի կաղնու գերաններ՝ Թրիալեթում² Բիյուկ-թեփեի կուրգանում)²: Հավանաբար այս կուրգանը հատուկ ծածկ չի ունեցել: Թաղումից հետո փոսը լցրել են հողով և վրան քարերի կույտ առաջացրել:


Դամբարանը՝ կտրացրած անկյուններով ուղղանկյուն քառանկյան ձև ուներ: Ուղղությունը՝ հյուսիս-արևելքից հարավ-արևմուտք էր: Հյուսիսային

¹ Дневник Б. Б. Пиотровского.

² Б. А. Куфтин, «Археологические раскопки в Триаleti», Тбилиси, 1941, стр. 81.

³ Տեղեկագիր—5

կողմում ունեւր աստիճանաձև իջվածք, որը հավանաբար մուտքն է եղելը (նկ. N 1):



Նկ. 1.

Կարճ՝ արևելյան և արևմտյան կողմերի երկարությունը 2,5 մ էր, իսկ երկար՝ հյուսիսային և հարավային կողմերինը՝ 4,5 մ:

Պեղման ժամանակ հայտնաբերված բոլոր իրերը տասնհինգ մեծ և փոքր տարբեր չափերի ու ձևերի կավամանները, օբսիդաքարե փոքրիկ նուլ-յետուր և քերձը, ալժի գանգն ու կմախքը, երկու եղների գանդերը և ոտքերի վերջավորությունները, եզան ջարդոտված կողոսկրները, բոլորն էլ դրված էին ուղղակի հարթ դետնի վրա:

Մարդկային կմախք, մետաղե իրեր, զենքեր և զարդեր չկային: Արևելյան կողմի երկու անկյուններում դրված էին եղների գանդերը՝ դեմքերով դեպի

արևելք և ոտքերի վերջավորությունները (սրունքը, սմբակը և թաթի ոսկրները)։

Կողոսկրների մի մասը հարավային պատի մոտ դրված գունազարդ կարասի կողքին էին, մյուս մասը հյուսիսային պատի կենտրոնում, գունազարդ, ուռած փորով կճուճների մոտ։ Կողոսկրները ջարդված էին, բայց դրված՝ առանց դասավորությունը խախտելու (նկ. №1)։

Դամբարանում հայտնաբերվելիս գունազարդ և հասարակ գորշագույն կավամաններ։

Գունազարդ կավամանները երկու խմբով դրված էին դամբարանի կենտրոնից դեպի արևելք։ Մի խումբը հարավային պատի տակ, մյուսը՝ հյուսիսային պատի երկարությամբ՝ պատի համարյա կենտրոնական մասում։ Գորշագույն հասարակ կավամանները դրված էին դամբարանի տարբեր մասերում։

Կենտրոնում՝ աջի գանդի և կմախքի միջև տեղավորված էին նուրբ, երկկանթանի բիկոնաձև սև փարջը՝ բերանքսիվայր շրջված, գորշագույն լայնաբերան կավամանը և աղամանի տիպի փոքրիկ պնակ, որի կողքին ընկած էին օբսիդանքարե փոքրիկ նուկլեուսը և քերծը։

Բոլոր կավամանները պատրաստված են ձեռքով, անկանթ են (բացի սև փարջից), ունեն տափակ հատակ և բոլորն էլ ունեն մրից սևացած և կրակից շիկացած տեղեր (բացի երկկանթանի փարջից)։

Կուրգանում գտնված կավամաններն իրարից տարբերվում են ինչպես դույնով, այնպես էլ ձևով, մեծությամբ, որակով։

Գունազարդ կավամանները պատրաստված են բաց վարդագույն, լավ մշակված և լավ թրծված կավից (բացի № 2 կճուճից, որը պատրաստված է գորշագույն վատ մշակված կավից)։

Ըստ ձևի երեք տեսակ են

1. Կարաս՝ ոչ մեծ.

2. Անվիզ կճուճներ, լայնաբերան, գնդաձև՝ լավ արտահայտված պսակով

3. Քրեզան՝ խորր։

Բոլոր կավամանները թե՛ շուրթի ներսից և թե՛ արտաքին մակերեսից, ծածկված են վառ կարմիր անգործով, որն իր թարմությունը պահպանել է որոշ կճուճների վրա։ Նրանք ունեն նույնանման զարդանախշեր, որոնք սկսվելով շուրթից, տվարտվում են իրանի ամենալայն մասում (նկ. 2)։

Շուրթի և վզի վրա առված է կճուճին ուղղահայաց շորս սև գծերից բաղկացած խմբեր (մեկի վրա պահպանվել է վեց խումբ), որոնք դասավորված են սահմափակ, իրարից առարկեր հեռավորության վրա։ Վզի հիմքում արված են շորս սև համակենտրոն հորիզոնական գծեր, որից սկսվում է քառագիծ ռոմբերի շարքերը, որոնց թիվը 1—3-ն է (նկ. 3)։

Նույնատիպ գունազարդ կճուճների մենք հանդիպում ենք վաղ բրոնզի շրջանի մ. թ. ա. 2-րդ հազարամյակի կեսերին 17—16-րդ դդ. ինչպես Հայաստանի, այնպես էլ Վրաստանի և Ադրբեջանի կուրգաններում ու բնակատեղիներում։

Բավականին տարածված զարդանախշեր են ինչպես վզի հիմքում համակենտրոն ալիքների կամ հորիզոնական գծերի զարդանախշերը, այնպես էլ շուրթերի և վզի վրայի շորսական ուղղահայաց գծերից բաղկացած խմբերը։

Այն մենք տեսնում ենք Կիրովականի, Աղավնատան, Էլարի, Նոր Բայազետի, Թրիալեթի, Զուռնաբատի կճուճների վրա, նաև Հայաստանի ու Ադրբեջանի



Նկ. 2.

բնակատեղիներից՝ Մուխաննաթ-Ռափայի, Գառնիի, Ուղերլիկ-Ռեփեի գունազարդ խեցեղենի վրա:

Մեծ տարածում ունեն նաև քառադիծ ոտմբերի զարդանախշերը: Զուգահեռ գծերով ծածկված ոտմբաձև զարդանախշերն սկիզբ են առել դեռևս էնեոլիթյան կուլտուրայում: Դրա օրինակները մենք տեսնում ենք Կառնուտի (նախկին Դիրաքլար) և Ռագավորսոնիստի (Կիրովական) սև փայլեցրած կճուճների բեկորների վրա: Սակայն նրանք ոչ թե նկարուն են, ինչպես վերոհիշյալ կճուճների վրայի ոտմբերը, այլ փորագիր ակոսների ձևով են արված: Այս զարդանախշը լայն տարածում է ստանում հատկապես վաղ բրոնզի շրջանում:



Նկ. 3.



Նկ. 4.

Քառադիծ ումբերի զարդանախշով, բայց այլ դասավորությամբ գունազարդ կճուճներ և խորը թասեր դնվել են Բասարգեշարի շրջանի Կարճաղբյուր (նախկին Գյոդակ-Բուլադ) գյուղում, (Երևանի ՊԼՄ. պատմական թանգարան, ինվ. № 1559, նկ. 4, ձևը է բերվել աղատադրական արշավախմբի միջոցով 1938 թվականին), Սիսիանի շրջանի Ախլաթյան դյուղի Ջաղաց-բլուրի մոտ, (ինվ. № 1114, Ձևը է բերվել Մ. Հասարթյանի միջոցով և Ստ. Լիսիցյանի 1932 թվականի արշավախմբի միջոցով, Կոտայքի շրջանի Գառնի դյուղի արևմտյան մասում, Արտաշատի ճանապարհի եզրին 1956 թվականի բացված դամբարանում, նկ. 5):



Նկ. 5.

Ըր զարդանախշերով

Լճաշենի գունազարդ կճուճներն է հիշեցնում էջմիածնի թանգարանից բերված 556/4 ումբածե զարդանախշով կճուճը, որը կրկնում է Լճաշենի զարդանկարի ամբողջ կոմպոզիցիան (նկ. 6):

Լճաշենի № 5 կճուճի (նկ. 3) կրկնօրինակ կարելի է համարել Թաղաքենդում Պ. Վ. Չարկովսկու պեղած № 1 կուրգանի գունազարդ կճուճը (№ 1): Այն Լճաշենի կճուճին նման է ոչ միայն արտաքին ձևով, այլև զարդանկարի ողջ կոմպոզիցիայով: Բացի այդ, մեծ նմանություն կա և՛ թաղման ձևի, և՛ կուրգանի կառուցվածքի մեջ: Թաղաքենդի այս կուրգանում ևս թաղումը կատարված է ուղղակի հողի կտրվածքի մեջ, քառանկյունաձև փոսում, առանց քարե պատերի: Դամբարանում գտնվել են միայն չորս գունազարդ կճուճներ, որոնք իրարից տարբերվում են և՛ ձևով, և՛ զարդանախշերով: Երկարավուն են, երկար վզով, հակառակ քառադիծ ումբածե կավամանի, որը լայնարերան է.



Նկ. 6.

լայնափոր և լայնահատակ: Այդ կճուճների վրա նկարված են ցանցեր, խաչվող զծեր, սանրածե զարդեր և այլն: Ինչպես Լճաշենի № 6 կուրգանում,

³ Дело Археологической комиссии, № 140, 1896.

Համանման կերամիկայի բեկորներ գտնվել են նաև բնակատեղիների սկզբումներից, որոնք այս կուլտուրան թվագրելու համար մեծ նշանակություն ունեն։ Այգայիսի բնակատեղիներից է Հայաստանում՝ Մուխաննաթ-Ռափան և Գառնին, իսկ Ագրեբջանում՝ Ուզերլիկ-Ռեփեն և Քյուլ-Ռեփեն։

Գունավարդ կերամիկան Հայաստանում բնակատեղիի սկզբումներից առաջին անգամ հայտնաբերվել է Մուխաննաթ-Ռափայում, 1935-37 թթ. Ն. Բայբուրթյանի սկզբումների ժամանակ⁴։

Մուխաննաթ-Ռափան գտնվում է Երևանի հարավային մասում՝ երկաթուղային կայարանից 300 մետր հեռավորության վրա։ Բերդը գտնվում է թեթև զառիվայր ունեցող և բոլոր կողմերից մատչելի բլուրի վրա, որի զազաթը տափակ է, իսկ հիմքի մոտ էլիպսաձև է դառնում։

Ըստ Ն. Բայբուրթյանի տվյալների, սկզբումները Երևան են հասել Երևր կուլտուրական շերտ։ Ստորին շերտը տվել է գունավարդ կերամիկա՝ միջինը՝ ուրարտական շրջանի սև կերամիկա, և վերին շերտը՝ անտիկ շրջանի⁵։

Առաջին շերտում գտնված կերամիկայի կավը բաց վարդագույն է, լավ մշակված և լավ թրծած, արտաքինից ծածկված է կարմիր անգորով, որի վրա սև ներկով արված են երկրաչափական միազույն զարդանախշեր։

Մուխաննաթ-Ռափայի գունավարդ խեցեղենի համար սիրված մոտիվներ են, ինչպես պարույրները (սպիրալները), այնպես էլ ցանցերը, ալիքաձև և ուղիղ գծերը, անկյունները, զիգզագները և եռանկյունիները, որոնք իրենց կրկնօրինակներն ունեն ինչպես Հայաստանի տարբեր վայրերից գտնված գունավարդ ամանների զարդանախշերում, այնպես էլ Վրաստանում, Ագրեբջանում։ Բացի այդ կրկնում են Բողազ-Քյոյի սկզբումներից հայտնաբերված գունավարդ կերամիկայի զարդանախշերը⁶, սրանով ևս հաստատելով այս կուլտուրայի մ. թ. ա. 2-րդ հազ. կեսերին սլատկանելը։

Մուխաննաթ-Ռափայում գտնված գունավարդ խեցեղենի զարդանախշերում մեծ տեղ են զբաղեցնում եռանկյունաձև ռոմբերը։ Այս զարդանախշով մոտ 15 բեկոր է գտնված, որոնց մեջ կան թասի շուրթի մաս, կճուճի վզի մասեր, իրանի ուռուցիկ մասի կտորներ և այլն։ Այստեղ կրկնվում են ոչ միայն քառադիմ ռոմբերով զարդանախշը մեկ կամ երկու շարքով (օրինակ՝ 1439/392, 1216/9, 1439/399, 303, 300, 1216/29 և այլն), այլ կճառների զարդանախշերի ամբողջ կոմպոզիցիան (օրինակ՝ 1439/299, 316)։

Որպես բնակավայրային կուլտուրա, բացառիկ նշանակություն ունի նաև Գառնիի ամրոցի սկզբումներից հայտնաբերված գունավարդ կերամիկան։

Ամրոցը կառուցված է բարձր, եռանկյունաձև հրվանդանի վրա, որը գտնվում է Գառնիի գյուղի հարավ-արևմտյան մասում։ Այն հյուսիսային և արևելյան կողմից պաշտպանված է պարիսպով, իսկ մյուս կողմերից խորը ձորով և անմատչելի է։ Ամրոցն ունի մի շարք կուլտուրական շերտեր, սկսած էնեոլիթից՝ վերջացրած ուշ միջնադարով։

⁴ Ն. Բայբուրթյան, «Հայաստանի գունավարդ կերամիկայի սրբաբնակ», ՀՊՀ Պատմության և Գրականության ինստիտուտի տեղեկագիր, գիրք 2-րդ, Երևան, 1937, էջ 268

⁵ Նոսյն տեղում, էջ 278։

⁶ Проф. А. А. Захаров, «Хетская керамика из Богаз-Кёя и некоторые за-кавказские параллели», Издание О-ва обследования и изучения Азербайджана. Ба-ку, 1927.

Փունադարդ կերամիկան հայտնաբերվել է 1950—57 թվականների պեղումների ժամանակ: Այն գտնվել է մեծ մասամբ ամրոցի հյուսիսային և արևելյան կողմերում, պարիսպի հիմքերի մոտ, երեք մետր խորությամբ վրա, այսինքն հատկապես այն մասում, որտեղ շերտը մյուս տեղերի համեմատ ավելի շատ է խորացվել:

Փառնիում գտնված գունազարդ կերամիկայի բեկորները նույնպես բաց վարդագույն խեցի ունեն, արտաքինից պատած են կարմիր անգորով և վրայից սև ներկով նկարված տարրեր տեսակի վարդափայտեր, ինչպես կենդանակերպ, այնպես էլ տարրեր տեսակի երկրաչափական վարդափայտեր, անկյուններ, սպիրալներ, զծաղաղեր, ցանցեր, հորիզոնական ալիքներ և այլն: Փառնի խեցեղենի կրկնօրինակները մենք տեսնում ենք ոչ միայն Անգրկովկասում, այլև Բողազ-Քոյում գտնված գունազարդ խեցեղենում⁷:

Սակայն ժամանակաշրջանը բնորոշելու համար բացառիկ մեծ նշանակություն ունի 1957 թվականի Փառնիում գտնված մանր և խոշոր եղջերավոր անասունների պատկերներով գունազարդ խեցիների բեկորները (նկ. 7 և 8):

Կարմիր անգորով պատած խեցիներից մեկի վրա սև ներկով նկարված են երկարականջ, բարակ և երկար վզով և երկար պոչով կենդանիներ՝ հանգստանալիս: Նրանք նստած են շատ բնական վիճակում, մեջք-մեջքի տված, ոտքերը տակը ծալած: Գլուխները ետ են դարձրել, բերանը բացել: Սրանք համանաբար խոշոր եղջերավոր անասուններ են, բայց տեսակը որոշելը դժվար է, քանի որ ոճավորված են: Խեցու վրա կենդանիներից մեկի նկարն ամբողջությամբ է պահպանվել, երկրորդի մեջքը և պոչը, իսկ 3-րդի երկար վիզը և գլուխը (նկ. 7):



Նկ. 8.

Մի այլ խեցու բեկորի վրա, ալիքաձև նախշից ցած պահպանվել է կենդանու երկար պոչը, սրա կողքին նկարված է մի կենդանի, չորս կարճ և բարակ ոտքերով. կարճ պոչով, որն այնքան որոշակի չէ և կարելի է նմանեցնել կա՛մ ոչխարի, կա՛մ խոզի (նկ. 8): Նրանցից ցած նկարված է մի ինչ որ կենդանի, որի գլուխն է պահպանվել երկար գնդով և մարմնի մի փոքր մասը՝ պոչի կտորով:

Կենդանիների նկարներով գունազարդ խեցեղենի հանդես գալը մ. թ. ա 2-րդ հազարամյակի կեսերին պատահականություն

⁷ Проф. А. А. Захаров, «Хетская керамика из Богаз-Кёя и некоторые Закавказские параллели», О-во обследования и изучения Азербайджана, Баку, 1927.

չէ։ Սա մի ժամանակաշրջան է, երբ անասնապահության զարգացումը մեծ չափերի է հասնում։ Անասուններն այնքան են շատանում, որ երկրագործությունն այլևս չի բավարարում նրանց կերի պահանջը և ստիպված անասուններին քշում են սարերն արոտի, որի շնորհիվ մեծ զարգացում է ստանում բոլոր անասնապահությունը։ Անասուններով հարուստ ցեղերի մոտ սկսվում է հարստության կուտակում։ Այսպիսով, անասնապահության աճի կողքին սկսվում է դեղերի աստիճանական գույքային դիֆերենցիացիա։

Անասունների դերը չափազանց մեծ է այս ժամանակաշրջանի համար և քնականաբար կենդանիներն իրենց արտացոլումը պետք է գտնեն նախնադարյան մարդու կուլտուրայի և արվեստի մեջ ևս։

Խոշոր եղջերավոր անասունների նկարներով դունազարդ խեցեղեններ գտնվել են նաև հարավային Թուրքմենիայում, Կարա-Թեփեի բլուրի պեղումների ժամանակ, Կենտրոնական Իրանում, Խուզիստում, Հարավային Բելուջիստանում, Սուզում և այլուր⁹։

Վերը նշված զարդանախշից բացի, Գառնիում հայտնաբերվել են նաև քառազիծ ումբերով զարդանախշեր։

Լճաշենի հատկապես № 1 կարասի զարդանախշի կրկնօրինակ կարելի է համարել 1957թ. Գառնիում գտնված կավամանի մի բեկորը, որը կճուճի վրիճի մասն է՝ դեպի ներս ճկված։ Վրան գծված են չորս հորիզոնական ալիքաձև գծեր, որոնցից սկիզբ են առնում քառազիծ ումբերը։

Անդրկովկասում գունազարդ կերամիկայի բնակատեղիների առաջիններից մեկն էլ Ուզելիկ-Թեփեն է (որը մոտավորապես 10 մ բարձրություն ունի)։

Ուզելիկ-Թեփեն գտնվում է Աղրբեջանում, Միլի տափաստանում, Ազգամ քաղաքի արևելյան ծայրամասում։ Հստ Քուշնարյովայի տվյալների՝ շնայած շինարարական մնացորդների լավ հետազոտման հիման վրա Ուզելիկ-Թեփեն երեք շերտի է բաժանվում, այնուամենայնիվ այս բնակավայրն ամբողջությամբ բնորոշում է մի պատմական էպոխա և հնագիտական նյութն էլ, հատկապես կերամիկան, մի միասնական կոմպլեքս է ներկայացնում, շնայած ունի մի շարք առանձնահատկություններ՝ կախված շերտի շատ կամ քիչ հնությունից։

Գունազարդ կերամիկան հանդիպում է բնակավայրի վերին երկու շերտերում՝ 2-րդ և 3-րդ, բայց մեծ քանակությամբ հատկապես 2-րդ շերտում։ Այս կավամաններն անկանթ են, ուժեղ փշած իրանով և լայն հետ ծավալած պսակով — ինչպես Լճաշենի գունազարդ կճուճները։ Արտաքինից ծածկված են կարմիր անգորով և զարդանկարված սև ներկով, որոնց մեջ աչքի են ընկնում քառազիծ ումբերի զարդանախշերը։ Ուզելիկ-Թեփեի բոլոր երեք շերտերում էլ գտնվել են հասարակ, վատ թրծած, խոհանոցային կերամիկա¹⁰։

Գունազարդ կերամիկան բնորոշ է հատկապես 2-րդ շերտին և թվագրվում է մ. թ. ա. 2-րդ հազ. կեսերով, ունենալով մի շարք անալոգիաներ Թրիալեթի, Կիրովականի, Զուրնարադի մ. թ. ա. 2-րդ հազ. կեսերի կուլտուրաների հետ¹⁰։

⁹ И. Н. Хлопкин, „Изображение коровы на сосуде из Кара-Дене“, Краткие сообщения ИИМК, № 69, м. 1957, стр. 136—138.

⁹ К. Х. Кушнарёва, „Раскопки на холме Узерлик-Тене около Агдама“, Краткие сообщения ИИМК, вып 69, 1957, стр. 150.

¹⁰ Նույն աեղում, էջ 135.



Նկ. 9.



Նկ. 10.

Այն մի շարք օրինակներով կրկնում է նաև Հնաշենի գունազարդ կերամիկան: Այդ բանն ապացուցում է նաև բնակատեղիում գունազարդ կերամիկայի հետ հասարակ, խոհանոցային կերամիկայի առկայության փաստը:

Մեծ հետաքրքրություն է ներկայացնում նաև Հնաշենի կուրգանում գտնված հասարակ, գորշագույն, խոհանոցային կերամիկան (նկ. 9, 10):

Գորշագույն կավամանները կոպիտ են, ձևորով պատրաստված, ծանր, վատ թրծած և քայքայված: Կավը շատ անորակ է, ալյազի մեծ հատիկներով և կոշտերով լի, ուստի վատ մազված և վատ հունցած, հեշտությամբ փշրվում և

թափվում է: Ձևով իրարից տարբերվում են և կարելի է հետևյալ տեսակների բաժանել:

1. Կճուճներ միջին մեծությամբ, ուսուցիկ փորով, դեպի դուրս լայնացող շուրթերով, անդարդ:

2. Քրեկաններ խորը, անդարդ:

3. Կճուճ ձգված իրանով, նեղ բերան, փորագիր զարդախազերով:

4. Պնակ փոքր, աղամանի տիպի:

Միջին մեծության լայնափոր կճուճները (№ 7, 8, 9, 10) իրենց ձևով որոշ չափով հիշեցնում են էլարի վաղ բյուրյի էպոխայի դամբարաններից գտնված կճուճներին (1805/1—7): Էլարի կճուճների նման լայնափոր են, նույնատիպ լայնացող շուրթերով, կարճ վզով: Էլարի կճուճները պատրաստված են լավ հունցած, մաղված և լավ թրծած բաց շագանակագույն կավից, իսկ լճաշենի-նը՝ գորշագույն են, անորակ, պրիմիտիվ և կարծես վերջինիս վերապրուկը լինեն:

Պրիմիտիվ զարդախազերով գորշագույն № 14 կճուճին նման են Թրիալեթի 7-րդ կուրգանի գորշագույն կավամանի բեկորները: Սրանք համարյա նույն փորագիր զարդախազերն ունեն և նույն տեխնիկայով են կատարված, ինչ որ լճաշենի կճուճը: Վերջինիս նման վրին ունի կարճ զծիկներով հատվող երկու համակենտրոն փորագիր հորիզոնական զծեր, որոնք համախմբված են գազաթները ցած եռանկյունների մեջ: Սակայն լճաշենի զարդախազերը ավելի սրիմիտիվ են արված:

Լճաշենի գորշագույն, խոհանոցային հասարակ կերամիկան գույնով, որակով, փորագիր զարդախազերի կատարման տեխնիկայով մեծ նմանություն ունի Բ. Ա. Կուֆտինի նկարագրած Թրիալեթի վաղ բրոնզի կուրգանային կուլտուրայի միջին և ուշ էտապի կերամիկայի 3-րդ խմբի հետ¹¹:

Կուֆտինը կերամիկայի այս 3-րդ խումբը բոլորովին անջատում է կարմիր խեցիով լավ թրծած, կարմիր ֆոնի վրա սև զարդանախշերով կավամաններից, ինչպես և 2-րդ խմբի սպիտակ կավով անգորած և սև կամ գորշագույն զարդանախշերով կավամաններից և գտնում, որ սովորաբար սրանք միասին հանդես չեն գալիս և բոլորովին ինքնուրույն են¹²: Բացի այդ գորշագույն կավամաններն աշխատում է կապել կուրգանի կառուցվածքի հետ, նրանք վերադրելով փոս շունեցող կուրգաններին: Այս 3-րդ խումբը նա համարում է կուրգանային կավամանների վերջին էտապը, կերամիկայի զարդանկարի հետ զարգացումով¹³:

Սակայն, ինչպես տեսնում ենք, Կուֆտինի բաժանումով առաջին և 3-րդ խմբերի կերամիկան լճաշենում համատեղ են հանդես գալիս և նրանց միջանցից անջատել հնարավոր չէ: Բացի այդ, ինչպես վերը տեսանք, Ուլերի-կի-Թեփեում ևս գունազարդ կերամիկան ուղեկցվում է գորշագույն խոհանոցային կերամիկայով:

Պատահական չէ և այն, որ լճաշենում գունազարդ կավամաններից մեկը (№ 2) պատրաստված է նույն գորշագույն անորակ կավից: Սա գունազարդ մո-

¹¹ Б. А. Куфтин, «Археологические раскопки в Триалети», 1911, Тбилиси, стр. 85, 405.

¹² Ն ու յ ն տ ե ղ ու ժ, էջ 84:

¹³ Ն ու յ ն տ ե ղ ու ժ, էջ 86:

նոխրում կերամիկայի մեջ առաջին դեպքն է և խոսում է այն մասին, որ գունազարդ կերամիկայի առաջին խմբին պատկանող կերամիկայի խեցին ոչ միայն կարող է լինել վարդագույն, այլև դորշագույն կավից:

Այսպիսով, Հնաշենի կուրգանի կերամիկան բացասում է այդ խմբերի անջատվածությունը, ապացուցում նրանց համատեղ լինելը և նույն ժամանակին պատկանելը:

Մեծ հետաքրքրություն է առաջացնում և նրբախեցի, երկկանթանի բիկոնաձև փարչը: Այն չափազանց յուրօրինակ է և գունազարդ կերամիկայի հետ չափաստանում առաջին անգամ է հանդես գալիս: Կանթերն սկսվում են գոտկատեղում և ավարտվում շուրթից մի փոքր վեր բարձրանալով: Բերանը շատ նուրբ է, ունի ուղղահայաց կանգնած պատեր, առանց գոտու, որը դեպի դուրս մի թևի լայնանում է: Կանթերի կողմից բերանը սեղմված է, որի հետևանքով էլիպսի ձև է ստանում: Պատրաստված է լավ մշակված սև կավից: Ունի հարթ ողորկ մակերես, որի վրա փայլեցման միջոցով զարդանախշեր են արված շուրթից մինչև սուր հատվող գոտկատեղը: Վրայի զարդանախշերը սկսվում են շուրթի տակ չորս սև փայլուն համակենտրոն հորիզոնական գծերով, որին հաջորդում են չորս համակենտրոն ալիքներ, ապա գծված են կրկին չորս հորիզոնական գծեր, որոնցից սկիզբ են առնում եռանկյունաձև գծերի խմբերը, յուրաքանչյուր 10 գծից բաղկացած: Զարդանախշերն արված են չափազանց նուրբ, կանոնավոր, բայց մեծ մասամբ ջնջված են, չեն երևում (նկ. 11): Իր թև ձևով և թև զարդանախշերով և նրանց



նկ. 11.

կատարման տեխնիկայով կապվում է էնեոլիթյան կուլտուրայի հետ: Հնաշենի փարչը կարելի է համեմատել Դվինում գտնված էնեոլիթյան սև փայլեցրած բիկոնաձև մեկ կանթանի փարչի հետ, որն իր վրա ունի ուռուցիկ բշտիկ և փորագիր զարդանախշեր (Պետ. պատմ. թանգ., ինվ. 1917/287): Հնաշենի փարչի տեխնիկայով զարդանախշեր մենք տեսնում ենք Մուխաննաթ-Թափայի, Թագավորանիստի, Շենգավթի, էնեոլիթյան կերամիկայի բեկորների վրա, որոնց վրա պատկերված են ալիքներ, հորիզոնական և եռանկյունաձև գծեր, ցանցեր և այլն: Սակայն, բիկոնաձև կավամանների տեսակները և փայլեցման եղանակով զարդանախշեր ստանալու տեխնիկան ավելի շատ տարածված է ուշ բրոնզի էպոխայում: Մենք բազմաթիվ օրինակներ ունենք ինչպես նոր Բայազետի, այնպես էլ Գուլուլինոյի, Աթարբեկյանի, Բասարգեչարի, Աստվածորի կոլեկցիաներում:

Այսպիսով, բիկոնաձև փարչի և զարդանախշերի ձևերը և ստացման տեխնիկան սկիզբ առնելով դեռևս էնեոլիթում՝ միջին բրոնզի էպոխայում, պահպանվում են, սակայն մեծ զարգացում և տարածում են ստանում ուշ բրոնզի էպոխայում:

Ինչ վերաբերում է լճաշենի կուրգանի կառուցվածքին և թաղման սովորույթին, պետք է ասել, որ այն կրկնում է 2-րդ հազարամյակի կեսերին Անդրկովկասի կուրգանների պատկերը:

Ինչպես լճաշենում, այնպես էլ Թաղաքենդի, Կիրովականի, Թրիալեթի կուրգաններում թաղումը կատարվել է հողի կտրվածքի մեջ, քառանկյունաձև փոսում առանց քարե պատերի: Երբեմն կուրգանն ունեցել է փայտե ծածկ (Կիրովական)¹⁴, երբեմն էլ ինչպես լճաշենում, Թաղաքենդում՝ փայտե ծածկ չի եղել, և դամբարանը լրիվ հողով լցնելուց հետո, վրան ոչ շատ մեծ քարեր են դրել:

Լճաշենի կուրգանում մարդկային ոսկրների բացակայությունը ոչ պատահականություն է և ոչ էլ եղակի երևույթ: Նույնը մենք տեսնում ենք վաղ բրոնզի էպոխայի գունազարդ կերամիկայով կուրգաններում՝ ինչպես Թաղաքենդի, Կիրովականի և Թրիալեթի: Հետևաբար սխալ կլիներ մարդկային ոսկրների բացակայությունը համարել կամ փտելու հետևանք (քանի որ կենդանիների ոսկորները շատ լավ են պահպանված), կամ կենդանիների կուլտային թաղման ապացույց: Ամենայն հավանականությամբ այստեղ մենք գործ ունենք դիակիզման հետ, որը նույն ժամանակաշրջանում շատ տարածված էր և Թրիալեթում և հեթանոսների մոտ՝ (Խատուշաշում թագավորների դիակիզումը)¹⁵:

Դիակիզումը կատարվել է դամբարանից դուրս, որից հետո մոխիրը կամ ցանել են դամբարանի հատակին, կամ դամբարանում դրված հատուկ պատ-

Լճաշենի № 6 կուրգանի կավամանների չափերը սանտիմետրերով

Կ. Վ. Խանզադյան	Րրի անունը, գույնը	Բարձրություն	Տրամագծերը					Վերջին անգամ չափվել է
			Բերանի	Վերին	Միջին	Ստորին	Վերին	
1	Կարաս գունազարդ	50	—	22	47	—	5	
2	Կճուճ մեծ գունազարդ	35	31	—	40	31,5	5,5	
3	» » »	35	22,5	19,2	39	22	2,5	
4	» » »	33	21,5	19	40	21	—	
5	Կճուճ լայնաբերան գունազարդ	24,2	20,5	16	29	20	3,5	
6	Խրեղան խորը »	14,5	17,5	11,5	22	18	—	
7	Կճուճ միջին մեծության գորշագույն	21	12,5	9,5	22	11	4	
8	» » » »	20	12,5	8,5	24	12	3,5	
9	» » » »	24	12,5	8,5	22	12	3,5	
10	» » » »	17	11	8	17	10	3	
11	Խրեղան գորշագույն	20	19,5	12	27	—	—	
12	» »	16	19	14	24	—	—	
13	Պնակ շատ փոքր, աղամանի տիպի	4,5	4,5—5	6	—	—	—	
14	Կճուճ ձգված իրավ դարձախաղերով	32	15	12,5	30	—	—	
15	Փարչ, երկկանթանի նրբախեցի, սև	12,5	9,11	7	16	—	—	

¹⁴ Дневник Б. Е. Пиотровского.

¹⁵ Otten Heinrich. Ein Bestatungsritual helitischer Könige Zeitschrift. № F, BD XII (XLXI), Berlin, 1840, стр. 221—224.

դարակի վրա¹⁶, կամ էլ դամբարան դրել՝ հատուկ աճյունասափորով, Հճաշենում որպես աճյունասափոր համարարար ծառայել է նրբագեղ, երկկանթանի փարշը:

Սխալ կլիներ նաև եզների պանդերի առկայությունը և դասավորության ձևը ևս վերադրել կենդանիների կուլտային թաղման: Այն փաստորեն կապվում է նույն ժամանակաշրջանի թաղման սովորությունների հետ: Նույն պատկերը մենք տեսնում ենք ինչպես Կիրովականում, այնպես էլ Թրիալեթում: Կիրովականում ևս Հճաշենի նման, երկու եղանակով զուգահեռ ոտքերի վերջավորություններով դրված է եղել դամբարանի արևելյան պատի երկու անկյուններում¹⁷: Ամենայն հավանականությամբ եղևերը մորթելու հետո, մսի մի մասը հանգուցյալի հարազատները օգտագործել են հոգեհանգստի սեղանի համար, իսկ մյուս մասը դրել հանգուցյալի հետ, որի համար որպես ապացույց կարող են ծառայել եզան կողոսկրները, որոնք ջարդված վիճակում դրել են դամբարանի ստորերը մասերում: Հանգուցյալի հետ դրել են և մի ամբողջ այծ:

Ինչ վերաբերում է եզների գանգերի և ոտքերի վերջավորություններին, դրված դամբարանի արևելյան պատի տակ, երկու անկյուններում՝ դեմքերով դեպի արևելք, ապա ինչպես Կիրովականում¹⁸, Թրիալեթում¹⁹, այնպես էլ Հճաշենում կուրգանում դրել են մորթված եզների մաշկերը, որոնց մեջ թողել են միայն գանգը և ոտքերի վերջավորությունները: Սրանք հավանարար փոխարինել են այն եզներին, որոնք հանգուցյալին կուրգան բերելուց հետո պետք է ուղեկցեին հանդերձյալ աշխարհում: Նույն սովորությամբ պահպանվել է և ուշ ընթացիկ էպոխայում: Ինչպես Մարտունու շրջանի ներքին Գետաշեն գյուղում, այնպես էլ Հճաշենի ուշ ընթացիկ էպոխայի կուրգաններում հանգուցյալին թաղել են եղևերով լծված սալերի հետ:

Հճաշենի № 6 կուրդանը համեմատելով Կիրովականի, Թրիալեթի հարուստ կուրգանների հետ, չենք կարող նրան շատ հարուստ ցնդապետի վերագրել, որովհետև, ինչպես վերը նշեցինք, կուրգանում բացի կավամաններից, օբսիդանյա փոքր նուկլեոսիդ և քերծից, ոչինչ չգտնվեց:

Ամփոփելով նյութը, կարելի է ասել, որ վերը նշած փաստերը խոսում են այն մասին, որ Հճաշենի կուրգանը վերաբերում է վաղ բրոնզի շրջանի մ. թ. ա. 2-րդ հազարամյակի կեսերին:

¹⁶ Б. Б. Пиотровский, «Археология Закавказья», Л., 1949, стр. 47.

¹⁷ Дневник Б. Б. Пиотровского.

¹⁸ Ն ու յ ն տ ե ղ ու մ:

¹⁹ Б. А. Куфтин, «Археологические раскопки в Триалети», Тбилиси, 1941, стр. 81.